

職官補遺

把總

咸豐中

王逢春

馬長齡

同治中

何正佑

邵元霖

光緒中

藍夢麟

成都人元年署

馬全忠

成都人二年任

胡煥章

順慶人四年署

王萬青

順慶人五年任

營山縣志

卷之二十

職官志補遺

三十四

馬玉陞

保甯人六年任

營山縣志卷之二十

職官志

政績

漢第五倫

字伯魚京兆長陵人性質慤少文以清白稱爲岩渠令有治行民甚懷之歷官大司空入祀名宦

唐顏真卿

字清臣登進士第貞元元年李輔國脅遷上皇於西內真卿率百僚上表問起居輔國惡之貶蓬州長史仁以撫民寬以馭眾去後邑人思其德立祠祀之

宋余玠

聚糧以備元蜀人賴之入祀名宦

元賈謙

邑令建學明倫士民愛戴入祀名宦

營山縣志

卷之二十

職官志

政績

三五

閻公

邑令善政宜民有牛生雙犢麥秀兩岐之異袁岱撰有善政碑入祀名宦

白希孟

邑教諭盡心啟迪入祀名宦

明于紹

以賢良方正授本邑令招民闢野撫治有方入祀名宦

張如鑑

邑教諭守潔政平入祀名宦

費文質

邑令撫流民闢田野性嚴明吏不敢欺入祀名宦

朱經

邑令爲政簡易士民稱便陞任去邑人思之人祀名宦

羅福

邑教諭勤於教誨砥勵者衆入祀名宦

黃讓

邑典史清廉仁愛鄰邑民訟質成甚多任期年政教聿新入祀名宦

王庸

邑令刑清政簡百姓樂業入祀名宦

陳常 邑令政尚寬平人多思之

李琳 邑令居官廉能頗有建置遇事立決獄無冤滯入祀名宦

任重 邑令居官廉謹政治公平獄無冤民入祀名宦

韋廷理 邑令督餉裕師廉能不著

嚴傑 邑令勵精圖治始終弗渝整飭地方百廢俱興入祀名宦

盧本實 邑令彰善懲惡吏畏民懷有善政碑

金汝礪 邑令改建城池民勞不怨簡練團勇四境安恬

王廷稷 邑令正直剛方才優學富

瞿賓 邑令政簡刑清崇祀名宦

營山縣志

卷之二十

職官志 政績 二十六

高雲龍 邑令慈惠端方恩勤撫字入祀名宦

王三聘 邑令居心嚴翼馭眾寬仁積粟賑饑而民不困剖心決獄而訟不冤士民賴之

蔣元芳 邑令政簡民和官聲遠播

馬中豸 邑令莊敬廉明蒞任五載閭邑風清

李希裕 邑令政平訟簡戒民輕生邑人德之

程宗玉 邑令慈惠寬仁風鑑精通純以盛德感人陞

夏士文 邑令從容簡靜

徐有威 邑令克勤克慎政聲丕著

張霽 邑令年少精勤銳於圖治任一年去

胡清

邑令造士牧民廉靜寡欲
事必師古崇祀名宦

上官宏基

邑令時供億取於里民宏基悉除之尙
寬簡濟以嚴明及卒貧不能歸觀邑人

輸金助之

崇祀名宦

趙星

邑令簡樸厚重語言不
苟士民愛戴有去思碑

張玉璘

字魯賓邑令自兵燹後諸務未就玉璘才
長守正政績丕彰一邑改觀邑人白不緇

爲之碑記

崇祀名宦

陳聖範

邑令清白慈仁教養兼盡
士民愛戴建有去思坊

于大炳

邑令以
廉明著

營山縣志

卷二十一

職官志

政績二十七

李榕

邑令政簡刑
清有去思碑

邱日增

邑令性情簡介德化
鄉愚邑人思之

鄔昇

邑令盜
息民安

王爾鑑

邑令振興義學政餘卽傳
士子講解惜任未久去

陳奉茲

邑令懋愷惻教養爲
先後陞藩憲

衷以堦

邑令木果木之變邑中當夫運米者咸遇
於難前令勒親屬具保比追囹圄悉蒲以

堦至查其情釋
之民德焉

王紱疆

邑令留心民事年大饑設廠
施粥並施棺藥民間無累

金玉

邑令居心慈惠奉派西藏軍務馬
匹均歸實用去任時士民泣送

韓明睿

邑典史嚴刑捕務鼠竊者咸知畏憚

俞廷舉

邑令廣西人沈毅剛直不避豪强嘉慶初教匪未起事時公於城垣上增築土牆數

板廣置石灰罐及大小石塊堆積其上又於四城門各設木桶盛以靛水見鄉民有頭包白帕入城者輒令投桶內漬為藍色人莫喻其意旋因老病告休迨後教匪來犯城中賴以有備始知精於數學云

謝惟良

邑令浙江人勤幹有才畧攝篆後值教匪圍城公率士民登陴堵禦保守無虞事詳

武功

戴三錫

邑令順天人廉明慈惠寬猛得宜後仕至四川總督崇祀名宦

吉恒

邑令漢軍居官清廉愛恤士民施放粥賑全活甚衆仕至四川臬憲

營山縣志

卷二

職官志

政績

二十八

周奕采

邑令貴州人剛正不阿民懷畏之

歐陽上容

邑令湖南人學優政勤建修塔培補六風士民愛戴

陽岳東

邑令山東人政簡刑清民咸頌德

夏文臻

邑令江西人精明有才幹修書院置考棚號舍士林愛戴

伍紹詩

邑令江西人豈弟節儉稱循良吏

覺祥慶

邑令蒲州人性情古直嚴約書役

李玉臺

邑令甘肅人明嫉惡練達有為創修經費局興利除害士民至今頌德焉事詳經

費章程後

升知府

王炳勳

邑令江西人政尚簡易惟禱雨祈晴民頗賴之

袁啟駿

邑令山東人居官慈愛設法賑饑貧民賴以全活

鍾昌勤

邑令湖南人公正廉潔愛士恤民整飭刁風書役斂跡後升道憲

劉英選

邑令山東人居官儉約治事勤勞夙改城垣工未竣以任滿去

濮文昇

邑令江蘇人宅心仁厚不尚刑威蒞任次年滇匪數萬突至攻城公同士民多方捍禦晝夜不遑四十餘日之久城賴以全事詳武功志嘗捐俸三百金修龍王祠捐錢百串修比門橋捐銀二百兩錢三百串平糶賑饑他如繕城垣增義館置裕公局請免軍米政績頗多歷任九載士民愛戴以卓異升州

翁道均

邑令廉能篤厚愛士恤民甫蒞任首裁冗役革去私簽勒限完案民鮮冤抑捐廉以助膏火巡野而勞農功重建南壇釐定較場纂修縣志新設育嬰堂次第修舉不形

營山縣志

卷之二十

職官志政績

二十九

勞費而裨益實多
邑人深愛戴之

職官政績補遺

知縣

沈士元

號清溪河南舉人持己廉勤臨民慈惠年雖老事必躬親故關防肅然民無極惡大罪不動杖笞任一年去人多思之

劉樞之

號斗垣陝西附生嚴明慈和對鞠兩造如見肺肝旋問旋結訟者神之無呼冤者其他留心公事如辦理保甲振頓局務痛懲盜賊皆秩然有紀署滿邑士民協懇大憲留任不可一年去至今猶多惜之者

宋家蒸

號雲浦江西進士廉勤愛民事無大小皆親決嘗謂人曰民呼我為父母我呼民為赤子何等親切嘗見為民上者於民間詞訟一聽家丁胥吏之言反覆而是非之其

營山縣志

卷之二十

職官政志補遺 三十九

弊甚大其為害於民者甚烈是父子恩義為左右隔絕矣吾不忍也故日坐大堂有呼冤者立即訊結門丁胥吏拱手退聽百姓不費一錢獄乎而去能使講張棍徒不及逞其伎倆茶房酒肆為之闐然誠上治也又是年大旱公捐廉銀千兩賑飢猶自持齋百日竭忱上訴家人有食肉者公查知呵責諭以天災民困淒然泣下日凡三次率老幼步詣城廂各廟禱雨歷百日不懈見者感泣又茶詣城東百餘里之孔雀洞祈禱精誠所格甘霖隨車咸驚為神其為民大端如此至其自奉朝夕飯一孟苜蓿菽水之日居多朝服之外布衣澣潔更進任一年去父老為之立去思碑民或見之涔涔淚出說者謂峴

竇揚留

號峴生雲南拔貢朝考一等補授營山知縣廉斷有為居心仁慈下車後痛懲刁徒

營山縣志

卷之二十 職官政志續補遺

卷之三

良善獲安邑有猾賊某破案數十未獲
公法治之風清萑苻 大憲扎飭積穀自
備單騎親詣各場勸導民皆踴躍輸將雖
火鏡炎炎不顧也又邑中積習條糧尾欠
若干向由糧差墊還而後准差執票喚獲
承糧之人私肆苛取或數十倍不釋而官
亦以其承墊矣雖有告訴礙不深究若輩
遂效尤之民常叫苦 公得其情極力剔
除即糧未足數 公自設法充之不准差
墊分厘此弊遂絕閭閻禱頌又士知自愛
者 公寶愛之而卻無敢私干者先是邑
有鄉館數十雖由考校實皆請託真才往
往負屈 公以文行之高下為館師之棄
取其考錄歲科兩試案首亦如之人人稱
快每月課外招前列者入署會課禮意優
隆酒醴備具嘗以文章品行相規口助不
及他事文未安者必塗乙而正之士習文
體資 公一振又捐廉俸刻其課藝行世

劉毓燿

邑令急公愛民謀深慮遠向規社穀散在
四鄉有穀存而散多不敷額者有散存而
穀化為烏有者公憂之乃竭兩年之力建
修倉廩將穀悉運入城至備極辛勞人鮮
知者及同治初年滇逆圍城月餘民既資
以得食保全生靈以數萬計後任濮公又
糶其穀獲利以籌裕 公局欸培修又借有
資善政多端此大概也光緒中邑人立牌
祀之

顏曰雙桂堂士皆沐其鼓勵爭自濯磨其
培植學校如此蓋自 國朝定鼎數百

年來邑中未
有之盛事也

傅亦舟

字濟川湖南湘潭人廉潔寬厚愛士恤民甫下車即慨然有振作之志如邑中文廟建自前明迄今二百餘年勢將傾圮公議重修籌勸至數千金鳩工數月深費經營將告竣而檄調去城垣坍塌公培修之他若舉辦育嬰公社整頓經費局田辦理積穀保甲設投到所復添設詩古課加增書院官師課獎賞政績不新士民愛戴至其培植寒畯懷抱尤深先是邑有鄉館數十應考者眾殊難大庇公為惻然捐廉俸百餘金以散給之年終發米孤貧得以卒歲公在內東關外兩次遭回祿災公捐廉賑濟復稟提公款並勸城廂紳糧樂捐錢文至一千餘釧災民咸沾實惠捐輸向有餘平公弗受以助北上公車城內積谷稟歸社首經管省報替示體恤也其平日居官清慎能任端人催科速而民不擾累折獄平而訟無停留每問竊案從不准其開花

卷之二十 職官志 政績補遺

又前主

營山縣志

積德尤為不少在任一載四境晏如殆彬彬然有古循吏風焉

平公... 至一千餘... 平公弗受... 社首經管... 清慎能任... 平而訟無... 積德尤為... 彬彬然有... 古循吏風... 焉

職官政績補遺

教諭

張運春

號煦堂成都華陽廩貢生樸訥恭敬滿衷
慈祥士有小過咸宥之仍各署中婉言開
導感化者多至其栽培寒士不鯁鯁束脩
多寡歷數十年如一日現年七十有奇康
強逢吉說者以為
修德獲報之徵云

訓導

洪錫綏

號萬齋成都舉人沈重少言同寅聚晤不
及私事門人亦無敢干以私者每見生徒
常以讀書立品相勉勵後卒於任
宦囊空空幾不能斂士民哀之

營山縣志

卷之三十 職官政績補遺

三十一

職官志政績補遺

典史

光緒中

王 珍

江蘇人字子楚英達明幹急於奉公每以
素餐為恥邑中善政縣主倡舉公勸成之
雖任怨勞不顧
也識者感服

忠節

明

王源

山西五臺人分巡川北道督兵征馮藍至營山遇賊死之有死節傳見藝文志

鄧俊

石守人任營山典史署縣事川北僉事王源命督兵禦賊藍廷瑞等城陷俊父子被

執罵賊死事聞廕其子

國朝

廖士貞

邑令視事一月川東寇陷城執至渠縣拘繫月餘脅迫以偽職大罵不屈望

關再拜引領就戮事聞賜卹廕一子崇祀名宦

劉廷臣

邑典史在官精勤康熙九年城陷被執不屈死

營山縣志

卷之二十

職官志忠節三十

吳

錢從軍美諾督陞卡糧務旋委澤爾多值木

果木之變檢案贖付幹役抱奔大吏躬率站夫力守之中矢石猶持長戟殲賊數十

人而後死年六十三奉旨加贈鑾儀衛經歷廕一子入監讀書銓其

官恩卹其家崇祀名宦

義軒

蓬州人授叅將衙營山被困提兵來援者四次救災卹鄰斃賊甚眾實倚賴之